



QVÆSTIO MEDICA

CARDINALITIIS DISPUTATIONIBVS

MANE DISCVTIENDA

IN SCHOLIS MEDICORVM,

Die Iovis 8. Martij.

M. PETRO LEGIER, Doctore Medico, Præside.

An Hydropotæ minùs Morbis obnoxij?

I.

CORPORIS humani temperies multiplex habetur, pro ætate, vivendi modo, regione, & primâ in utero conformatione. In puero blandior, annis prolabantibus sensim immutatur: In belluone quantumvis bona, fit deterior; Indorum aut Vrsæ accollarum plerumque calidior & frigidior. Et ubi Naturâ architectante corpus, nobiliori parti labes est impressa, ad ultimum vitæ exitum perseverat temperiei vitium. Optima censetur quæ æqualiter ab extremis distat. Verùm optatur tantùm, non obtinetur; vel si quandoque adfulgeat, effluit fulguris instar. Ab hac felicior quæ sibi sufficit, totamque vitam suis beat commodis, quæ Naturam nullo aut minimo excrementorum proventu infestat, & se sola ab occurrantibus expedit. Sed quantumlibet salutaris illa sit, brevi à suâ integritate decidet, petitis à triplici Elemento cibus, & omni liquorum arte expressorum genere, qui aliam sæpius non

sine periculo invehunt, ut manet incorrupta cum frugalitate, & maximè aquæ potu, qui bonæ temperiei optimus est conservator.

I I.

LIQUORES qui ad restinguendam sitim naturali necessitate assumuntur, quia mobiliiores citius expanduntur, & si quod contraxere vitium, celerius ad partes transmittunt, ut & earum offensiones felici mixtione minuunt, cum quas Natura optat facultates, possident & exercent. Ut partes Naturæ instituto respondeant, aliquo humore debent maderere, cujus beneficio nutriantur, augeantur, & quam edere natæ sunt actionem adimpleant. Non omnis est liquoris sic Naturæ servire. Ut alienus semper caliditate excedit, & partes hebetiores languidioreſque reddit, tantum abest ut juvet, ita amicus & conveniens firmat quæ alluit membra, & primo humori consocialis, jucundius permeat, faciliusque inhærescit, quod Naturæ votorum est summa. Quamobrem cautione non minus necessariâ quàm salutari eligendus est potus, qui suâ familiaritate hæc præstet bona. Ex liquoribus qui apud homines in usu sunt ad sitim, unicum Natura præbet & suadet; alij bene multi in utroque mundo famosi arti suam debent originem. Scilicet homines Naturam paucis contentam quasi pauperimam dedignati, voluptate premente, palato aquam fastidiente, per machinas quæſierunt, quod sibi deesse volebant.

I I I.

HYDRO POTÆ ut primò institutam à Naturâ legem diligentius sequuntur, sic beatiorum & primi sæculi hominibus dignam omnino protrahunt vitam. Cibus temperatus, potus ad frigiditatem inclinans esse debet, ut constituta temperies semper floreat. Enimverò etsi animalium corpora igne foveantur & vigeant, nec nisi in extremâ senectute frigiditate contabescant: attamen non tam arctè in primâ conformatione ignis aquâ contemperatus est, quin ille sapius superior, quasi effracto carcere, compactas carnes deureret, nisi aquâ velut compede retineretur. Vnde Natura quæ eò certior, quò magis necessario agit, nullibi non humiditatem inferuit, & circumfudit, sacri ignis, ut olim Vestarum erat munus, custodem futuram. Hæc quia semper consumitur,

semper reparari amat: & consentientibus partibus, supremum
 ventriculi os, & fauces peculiari sensu, & sicci & humidi re-
 novationis argumenta dant manifesta. Vtriusque assumendi
 leges ex Naturâ habeantur. Nullus in diætâ error, nulla ad
 morbos occasio, nec temperies ullo vitio inficitur, quod in
 parentem redundet, quippe quod hæc vitæ dux optima.

I V.

VBI humidi appetitus, an quicquam aptius præter aquam
 propinabis? Vis sanus esse, & tutam ab omnibus mor-
 borum insultibus vitam degere; ab igneis liquoribus abstinere,
 aqua tibi sit in deliciis. Suavius quidem illi linguam & palatum
 commovent, sed citò hanc voluptatem quamplurimis com-
 pensant malis, pulsu elatiore febris maximè consociali, mem-
 brorum lassitudine, affluxu ad cavitatum alteram, gravissimi
 affectus causâ; κατὰ τὴν ἀρχὴν modò antè, modò retrò; pleniori
 capite, nutantibus artubus. Aqua verò intùs non in ore sua
 dona dispensat; cum sitientibus visceribus liberaliter adfusa,
 mirum quantam concitat voluptatem, quantum robur &
 tonum suâ frigiditate & humiditate toti conferat corpori, sine
 ullâ mali eventus expectatione. Namque cùm omnes ferè
 morbi à caloris exuperantiâ promanent, repagulis eget ille,
 non incentivo, frænâ coerceri, non flammeis potibus suscita-
 ri. Hos remediorum catalogo adscribere quid vetat? numquid
 vinum ὕδωρ σαπνὸν, ubi fracto & debilitato corde, ubi exhaustis
 spiritibus, de ultimâ compagis forte agitur, præstantis car-
 diaci nomen sibi vindicaret, nisi summâ hominum intempe-
 rantiam id nominis jamdudum amisisset? At vinum petitis?
 Sequanam habetis.

V.

NEC proinde abs re aqua sospitalis nomine venit do-
 nanda, cùm minacem calorem ita contemperet, ut
 mutatâ vice quod erupturum erat in Naturam, illius leges de-
 nuò sequatur. Gratosi humoris fons, & ventriculus hocce
 amico rore perfusi, sua generosiùs obeunt munia, nullo nido-
 re palatum feriente, aut tuberculis faciem deturpantibus. In-
 testina tam jucundâ fruuntur lævitate, nihil ut extraneum
 contineant. ὕδωρ βορρὸν appetentiam excitat, ejus beneficio
 bilis ad producendos morbos promptior & paratior retun-

ditur ; ater succus numquam familiaris , sæpiùs infensus suis-
 qualitibus sævire prohibetur ; nec non per vias sibi debitas
 excernitur. Humores crassiores diluuntur, densiores attenuan-
 tur, subtiliores condensantur, omnes propriis vasis continen-
 tur, nec in alicujus partis perniciem frigida eos effundi pati-
 tur, quippe iis coagulum. Hinc firmior gressus, artus integri,
 benignior somnus, suavior anima, floridus faciei color, pri-
 mum sanitatis argumentum ; nec ullum inter partes divor-
 tium, ideò articuli qui maximè humorum decubitu affligun-
 tur sospites : nec pisces arthritide tentatos, vel in fabulis ag-
 novit antiquitas : cæteræ corporis functiones illæ, vegetio-
 res, dulci aquæ affusione in dies evadunt ; *φροντισμὸς* actiones
 lucidiores, nullâ fuligine obscurantur aut perturbantur. Vno
 verbo, optimam quam Natura concessit temperiem, sartam
 tectamque propugnat *ἀεισὺν ὕδωρ*.

Ergo Hydropotæ minùs Morbis obnoxij.

Afferebat Parisiis RAYMVNDVS VASLET,
 Engolismas, A. R. S. H. M. DC. LXVIII.

PARISIIS,
 Ex Typographia FRANCISCI MUGUET, Regis ac Illust.
 Archiepiscopi Parisiensis Typographi.